

# Txirritola

ARAMAIO / Barikua / 2004ko abenduaren 3a / 132. zenbakia

KOORDINATZAILEA: Ubane Madera • Otorora Lizentziaduna 31 20500 ARRASATE • Tel.: 943 71 25 11 • Faxa: 943 71 23 89 • Posta elektronikoa: txirritola@goiena.com • Lege gordailua: SS.1084/02

## Sententziak dio Albinako hesia zenbait puntutan zabaldu egin beharko dutela

UBANE MADERA

Albinako itxitura edo hesia dela-eta, Aramaioko Udalak epaiketa izan du, lurjabe batek ezarritako salaketaren ondorioz. Orain, sententzia aterata da. Eta epaileak adierazi du Albinako lau puntutan kendu egin beharko dutela orain bi urte ipinitako hesia.

Animaliek eraginda, Albinan 12-13 istripu izaten ziren urtero. Gauzak horrela, Udalak erabaki zuen beharrezkoa zela zerbait egitea. Eta batzarrak egin zituen ganaduzaleekin, errepideen arduradunekin eta lurjabeekin. Mertxe Mondragon alkateak kontatu digu guztien artean erabaki zutela egokiena zela hesi bat ipintzea, zaldiak-eta errepidera aterata ez zitezen. Gaineratu digu lurjabe batek ez zuela hitzarmen hori sinatu. Baina Udalak ez ziola garrantzirik eman eta hesia ipini zutela, 2002aren hasieran. Alkateak esan digu harrezkero ez dela izan animaliek eragindako istripu gehiago.

### SALAKETA ETA SENTENTZIA

Baina horrekin batera kontatu digu 2002an bertan hesi horren kon-



Hesi barik, larreetan dabilen ganadua —batez ere zaldiak— errepidera ateratzen zen eta istripuak eragin.

trako salaketa ipini zuela hitzarmena sinatu ez zuen lurjabeak. Kontua zera da: hesi guztia jabetza publikoan ipini zuela Udalak, lau puntutan izan ezik. Puntu horiek mendi-bideak dira (Zube-

ro eta Etxanbideta, esaterako). Hala, norbaitek bide horiek erabili gura izanez gero, automobila derrigor errepide bazterrean utzi beharra zuen. Horrek duen arriskua kontuan hartuta, Udalak era-

baki zuen lau puntu horietan hesia metro batzuk barrurago ipintzea, jabetza publikotik kanpo. Baina betiere kontuan hartuta bide horiek jabetza publikokoak balira moduan kontsideratu izan dituz-

tela. Are gehiago, alkateak esan digu orain arte Udalak arduratu izan dela bide horiek zaintzeaz. Edoze-lan ere, Udalak ez du udalerriko bide guztien inbentariarik. Horrenbestez, legearen aurrean, gune pribatuak dira aipatutako bideak.

Hain zuzen ere, horrexegatik ipini zioten salaketa Aramaioko Udalari: hesia lurzoru pribatuan ipintzeagatik. Salatzaileak eskatu zuen hesi guztia kentzea. Eta epaileak erabaki du hesi guztia ezetz, baina aipatutako lau puntuotakoa kendu egin beharko dutela. Erabakia behin betikoa da, hortaz, ezin dute errekurritu.

Gauzak horrela, Udalak lurjabearekin berba egin zuen berriro. Baina ez zuten adostasunik lortu. Hala, erabaki dute hesia kendu beharrean lekuz aldatuko dutela. Alkateak azaldu digu hesia kenduz gero, arriskua berriro sortzeaz gain, lehen baino larriagoa izango zela, behin animaliak errepidera ateraz gero, larrera bueltatzeko zailtasun handiagoak izango zituztelako. Hala, bada, hesia jabetza publikoari dagokion lurzorian ipintzea erabaki dute oraingoz; eta lekua behar bezala seinalez-tatzea, automobilendako.



### Aparejadore berria lanean da

Ekin dio lanari udal aparejadore berriak. Haritz Maillou Elortza arrasatearrak bete du Xabier Berridiren postua. Eta hasiera batean, sei hilabeterako izango da Aramaion, harik eta lanpostua lehiaketa publikora aterata arte. Bien bitartean, Aramaioko udal-txean jardungo du lanean, astelehenetik eguaztenera, 09:00etatik 14:00ak arte.

Haritz Maillouk kontatu digu Zamoran ibili dela orain arte lanean. Eta familiak Aramaioko eskaintzaren berri eman zionean, hona etortzea erabaki zuela. /U.M.

### LABUR

#### Udalaren proiektua onartu egin du Jaurlaritzako Hezkuntza Ordezkaritzak

San Martin Eskolan 0-2 urteko umeendako zerbitzua ipintzeko Udalak proiektua aurkeztu zion Hezkuntza Ordezkaritzari. Proiektu horren arabera, Aita Gabiré kaleko lokal bat egokituko lukete umetxoendako eraikina lortzeko. Orain, alkateak jakinarazi digu Hezkuntza Ordezkaritzak onespina eman diola proiektuari. Horrenbestez, orain eskolako ordezkariekin elkartuko dira, guztien artean adostasuna lortzeko asmoarekin. Izan ere, eskolako-ek beste proiektu bat egin gura dute: eskolaren ondoan eraikin berria egin, han eskaintzeko umetxoendako zerbitzua.

#### Datorren asteke zubiaren eraginez, pediatria zerbitzua Arrasaten izango da

Datorren astean hiru jaiegun daudela-eta, Udalak zera jakinarazi digu: martitzenean, abenduaren 7an, pediatria zerbitzua Aramaion barik, Arrasaten emango dutela. Zerbitzu horren ordutegia ohikoa izango da.

## TELEFONO JAKINGARRIAK

### OSASUNA / LARRIALDIAK

Osasun etxea (txandak) .....	945 44 53 40
Botika .....	945 44 50 03
Udaletxea .....	945 44 50 16
Ertzaintza (Arrasate) .....	943 79 71 99
Gurutze Gorria (Legutio) .....	945 45 52 52
San Martín Eskola .....	945 44 50 04
Taxia eta autobusak .....	945 44 50 33
Udal Kirolegia .....	945 44 53 35
Postetxea .....	945 44 50 83
Zulako Eskualdea .....	945 43 01 67
Suhiltzaileak (Zubillaga) .....	943 78 28 00

## AUTOBUSORDUTEGIA

ARRASATE	ARAMAIO	GASTEIZ
07:00	07:15	08:00
10:00*	10:15	
11:00	11:15	
12:00*	12:15*	13:00
15:15	15:30	16:15
17:20	17:35	
18:30*	18:45	
20:30	20:45	21:25
21:00*	21:15	

GASTEIZ	ARAMAIO	ARRASATE
08:15	07:50	08:05
	09:00	09:15
	10:15*	10:30
	11:15	11:30
13:10	13:55	14:10
16:20	17:05	17:20
	17:35	17:50
	18:45*	19:00
19:30	20:00	20:15

**OHARRA:** izartxoaren duten orduetan eskaeraren arabera zerbitzua eskaintzen dute. Auzoetako bizilagunei zuzendutako da, eta autobusa erabili gura badute, bezperan deitu beharko dute honako zenbaki honetara: 629 54 59 23

## OHARRAK

### ZINEMA SAIO BIKOITZA

Asteburu luzea dela-eta, zinema saio bikoitza antolatu dute oraingo honetan. Hala, abenduaren 5ean, domeka, izango da aurreneko saioa. Abenturazko *King Arthur* filma emango dute. Antoine Fuqua zuzendaria-rena da eta Clive Owen, Keira Knightley eta Stellan Skarsgard aktoreek parte hartzen dute, besteak beste. 22:30ean hasiko da saioa. Bigarren emanaldia, berri, martitzenean, hilaren 7an, izango da. Kasu horretan, horren ezaguna den marrazki bizidunen *Shrek* komedia emango dute. Hori ere 22:30ean izango da.

## OSOKO BILKURA

# Garoñako zentral nuklearraren aurkako mozioa, osoko bilkuran

UBANE MADERA

**Emakumeen aurkako indarkeria, hAMAlauren eta EAJ-Earen idatzi bana eta Garoñako zentral nuklearraren kontrako mozioa landu zituzten zinegotziek eguzteneko batzarrean. Plazako zuzaitzen inausketa eta Arexolako lanak ere izan ziren berbagai, besteak beste.**

Alkatearen dekretuen berri eman ostean, Albinako itxuraren gaineko sententzia jakinarazi zien alkateak zinegotzietan eguzteneko batzarrean. Gero, plazako zuzaitzen inausketa modu egokian egiteko aukerak aztertu zituzten. Eta Arexolako lanak ere landu zituzten, Arexolako kale eta plazaren zolatze lanen esleipenarekin lotutako burokrasia kontua, alegia. Hain zuzen ere, Arexolako lanak bukatzeko zoladura lanak besterik ez dira falta. Horrenbestez, eta lanok agudo esleituko dituztelakoan, Arexolakoek laster txukun-txukun izango dute auzoa.

Bestalde, hirigintzako bestelako kontuen artean, udalbatzarri proposatu zioten 2005eko



U.M.

Zenbait herritar kezkatuta daude plazako zuzaitzek arriskua eragin dezaketelako.

Foru Planari udaletxearen teilatua konpontzeko dirulaguntza eskatzea.

### MOZIOAK ETA BESTE

Eta horrekin eta bestelako gaiekin batera, hiru mozio eta idatzi bat

ere aztertu zituen udalbatzarrek. Idatziaren bitartez, emakumeek jasaten duten indarkeria salatzea zen udalbatzarraren asmoa.

Mozioei dagokienez, bi politikarekin lotutakoak ziren: hAMAlauren eta EAJ-EAK aurkeztutako-

ak. Hala, hAMAlauren mozioaren bitartez, oro har, partiduen legea dela eta hAMAlauren jasaten dabilen apartheid politikoa salatu zuten; gaineratu zuten egoera horri buelta emateko aukera badagoela, EAJ-ren, EAren, EBren eta Aralarren aldetik borondate politikorik egonez gero; eta herritarrek emandako botoen arabera udaletxean dagozkien jarlekuak bueltatzeko ere eskatu zuten hAMAlauren.

Mozio horri erantzuteko, EAJ-EAK beste bat aurkeztu zuen. Oro har, partiduen legea salatu ostean, zioen udalerrian talde guztiendako partaidetzarako bideak ahalbidetzen jarraituko dutela; eta "Udalean lan egiten eta konfiantza euren gain duten herritarren ordezkatzen jarraituko dutela".

Bukatzeko, hirugarren mozioan, Arabako bestelako talde politiko, sindikal eta kultural ugari-ekin bat eginez, proposatu zuten Garoñako zentrala ixteko eskatzea; horretarako beharrezko segurtasun neurri guztiak hartuz.

Edozelan ere, albiste hau idaztean, batzarra bukatu barik zegoenez, ez dugu jakiterik zein erabaki hartu zituen udalbatzarrek.


## Udaletxeko langileak oraingo astean hasi dira material guztia berritutako bulegoetara eramaten

U.M.

**Azken xehetasunak besterik ez da falta udaletxeko lanak bukatzeko. Gauzak horrela, oraingo astean zenbait orduz itxita izan da udaletxea, langileek altxariak-eta dagozkien bulegoetara eramateko.**

Udaletxeko egokitzapen lanen ostean, udal zerbitzuak lekuz aldatuta ikusiko ditugu datorren astetik aurrera. Banaketa berriaren arabera, goiko solairuan herritarrendako harrera bulegoa izango da

(Judith eta Txaro); bertaraino iristeko igogailu berria erabil daiteke. Leku berean, armairuen bitartez banatuta, koadrilako langileek eta euskara teknikariak jardungo dute. Eta solairu berean, baina, bestelako bulegoetan, Idazkaritza, Kontuhartzailetza eta Alkatetza izango dira. Beheko solairuan, berri, gizarte laguntzailearendako eta bestelako teknikariendako gunea egokitu dute. Lehengo leku berean izango da osoko bilkuren aretoa; kasu horretan ere igogailuan iritsi daiteke bertaraino. Eta artxiboak berritutako bi solairu izango ditu.



U.M.

**UGARAN**  
jatetxea

Garagartza auzoa  
Tel.: 943 79 76 58  
ARRASATE

**ZUBIZARRETA**  
LANTEGIAK

Gipuzkoa etorbidea 22  
ARRASATE  
Tel.: 943 79 15 65

**S. CARRASCAL S.L.**

Guk egindakoak:

- Sukalde altxariak
- Horma-armairuak
- Trastelekurako armairuak

**Fabrikan erakusketa**

Gipuzkoa etorbidea 6 -1.a  
Tel./Faxa: 943 79 01 82

**Taberna Berri**  
jatetxea

Durana 26  
ARETXABALETAKO  
Tel.943 79 20 67

guztemenuak  
preziazatuz

egin zure sukera